



Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

**Naalakkersuisunut apeqquut:**

- 1. Angutini arnanilu assigiimmik ilinniagalinni akissarsianik suli assigiinngisitsisoqarnerseq Naalakkersuisunit ilisimaneqarpa?**
- 2. Arnaaneq angutaassuserluunniit apeqqutaatinnagit akissarsiaqartitsineq tamakkiisumik atortinneqassappat suut inatsisit allanngortinneqartariaqarpat, imaluunniit nutaamik inatsisiliornissaq pisariaqassava?**
- 3. Sumi inunngorsimaneq tunngavigalugu akissarsiaqartitsisarneq 1991-imili atorunnaarsinneqartussaagaluq, qaqugu tamakkiisumik atorunnaarsivinneqarnissaa Naalakkersuisunit qanoq iliorfigineqarniarpa?**

(Inatsisartuni ilaasortaq Anthon Frederiksen, Partii Naleraq)

**Tunngavilersuut:**

Ukiuni kingullerni arnat angutillu atugassarititaasut assigiinngitsut eqqarsaatigalugit sutigut tamatigut naligiinnerulernissaat eqqartorneqartuarpoq aamma qujanartumik nunatsinni naligiisitaanermut siunnersuisooqatigiinnik pilersitsinikuuvugut, pingaartumik aamma arnat angutiniit nikanarnerusutut sapersinnerusutut allatulluunniit appasinnerusutut isigineqannginnissaat qulakkeerniarlugu.

Taamaakkaluartorli suli maannamut tusarsaajuartarpoq, pingaartumik aamma akissaasersuineq eqqarsaatigalugu, arnat ilaatigut suliani assigiinni ilinniagaqarfiullu assigiit iluani angutiniit appasinnerusumik akissarsiaqartinneqartartut, tamanna ilumut ilumoornerseq aamma inatsisitigut qanoq allannguiffigineqarsinnaanersaq paaserusuppara.

Apeqquut 3-mut tunngatillugu siusinnerusukkut Naalakkersuisunut apeqquteqaateqarnikuuvunga, taamanilu Naalakkersuisut akissuteqarnerminni nalunaarput tamanna pillugu danskit naalakkersuisui oqaloqatigineqassasut.



Taamaammat maannakkut paaserusuppara, tamatuma kingorna alloriarnerit suut tiguneqarsimangersut aamma sumi inunngorsimaneq tunngavigalugu akissarsersuinerit tamakkiisumik atorunnaarsinneqarnissaanut suliaq sumut killinnersoq?

Apeqqutit ullut suliffiit qulit (10) qaangiutsinnagit akineqarnissaat kissaatigaara.